

TREÅRSMELDING 2019 – 2021

Medlemstalet har vore slik i perioden:

2019: **284**

2020: **275**

2021: **271**

Styret har i perioden hatt denne samansetjinga:

Leiar: Terje Larsen

Nestleiar: Anne Svanevik

Styremedlemmar: Gunnstein Akselberg (vara Tor Erik Jenstad), Ellen Marie Lund Foldal (vara Frode Myrheim), Gulbrand Alhaug (vara Vidar Haslum).

Styret har hatt tre styremøte: 7.2.2019, 1.11.2019 og 14.10.2021. Frå mars 2020 og fram til september 2021 har pandemien gjort det vanskeleg å møtast fysisk, men noko kontakt har gått gjennom e-post.

Saker

- Leiaren hadde ein presentasjonsartikkel av Norsk namnelag i *Lokalhistorisk magasin*. Meldingsblad for Landslaget for lokalhistorie, nr. 1/2020. Artikkelen resulterte i to nye medlemmar.
- Leiaren har oppdatert artikkelen om Norsk namnelag og skrive omtale av *Namn og nemne* og *Nytt om namn* på lokalhistoriewiki.no.
- Namnelaget v/leiaren sende høyringsfråsegn til Kud om framlegg til endringar i lov om stadnamn i 2019.
- Namnelaget v/leiaren sende høyringsfråsegn til Kud om framlegg til endringar i forskrift 23. mai 2017 nr. 638 om stadnamn i 2021. Her var Namnelaget felle ut som høyringsinstans, men heilt tilfeldig vart det oppdaga av leiaren.
- Styret har bede leiaren starta opp arbeidet med å revidera ymse punkt i vedtektene, fyrst og fremst regelen om personlege varamedlemmar. Slik situasjonen er for namnefaget har leiaren føreslege ein fullstendig revisjon og ei forenkling av vedtektene. Framlegg til nye vedtekter blir lagt fram på landsmøtet i 2024. Dette har styret slutta seg til.
- Gulbrand Alhaug har skrive eit notat om ortografisk variasjon som problem i fornamn. Planen er å senda notatet til Justisdepartementet. Styret har drøfta notatet og sagt seg samd i hovudpoenget og intensjonen. Men styret meiner notatet blir for langt og komplisert og har bede Gulbrand forkorta og forenkla det før det blir sendt. Heile notatet (ikkje i forkorta versjon) skal leggjast ut på nettsida til Namnelaget, og det kan også vera aktuelt for *Namn og nemne*.
- Alle nummera av *Namn og nemne* og *Nytt om namn* er no digitaliserte av Nasjonalbiblioteket og tilgjengelege på bestemte vilkår.

Namn og nemne

I denne perioden har *Namn og nemne* kome ut med tre nummer: *Namn og nemne* 35 (154 sider), *Namn og nemne* 36 (120 sider) og *Namn og nemne* 37 (148 sider). Redaktørar for årgang 35 var Vidar Haslum, Ole-Jørgen Johannessen, Gudlaug Nedrelid, Aud-Kirsti Pedersen og Tom Schmidt. Redaktørar for årgangane 36 og 37 var Vidar Haslum, Ole-Jørgen Johannessen, Gudlaug Nedrelid og Tom Schmidt.

Årgangane 2002–2014 og innhaldslista for årgangane før 2002 og årgangane 2015, 2016 og 2017 ligg på heimesida. Som nemnt ovanfor, er alle nummera no digitaliserte av Nasjonalbiblioteket og tilgjengelege på bestemte vilkår.

Årgangane 33 (2016), 34 (2017), 35 (2018), 36 (2019) og 37 (2020) er tilgjengelege på heimesida til Novus forlag, som tok over utgjevinga frå og med 35 (2018).

Nytt om namn

I denne perioden har meldingsbladet *Nytt om namn* kome med to nummer: 67/68 – 2018 (122 sider) med rapport frå konferansen “Stadnamn i knipe” og 69/70 – 2019 (92 sider). Botolv Helleland har vore redaktør og har hatt med seg Gudmund Harildstad og Terje Larsen i redaksjonen. Begge årgangane har med ein namnebibliografi for året før. Heile innhaldet i meldingsbladet for årgangane 2000–2017 ligg på heimesida. For nr. 67/68 – 2018 og nr. 69/70 – 2019 ligg innhaldslista på heimesida. Som nemnt ovanfor, er alle nummera no digitaliserte av Nasjonalbiblioteket og tilgjengelege på bestemte vilkår.

Nettsida

Arbeidet med heimesida har vore gjort av Olav Veka og Nancy Coleman. Heimesida blir oppdatert og utvida med ujamne mellomrom. Trass i oppfordringar til medlemmane om å senda inn aktuelt stoff, skjer dette i liten grad. Noko som må nemnast, er at Gulbrand Alhaug har gjort ei grundig oppdatering av artikkelen om personnamn. Statistikken syner at i gjennomsnitt er det vel 2000 som er innom nettstaden kvar månad.

Facebook

Facebooksida til Namnelaget har 221 medlemmar. Aktiviteten er relativt stor, men det er enkelte som skriv meir enn andre.